

---

- SENAT –

Broj: 01-13-32/24

Sarajevo, 17. 07. 2024. godine

Na osnovu člana 61. Zakona o visokom obrazovanju („Službene novine Kantona Sarajevo“, broj: 36/22) i člana 64. i člana 297. stav (1) Statuta Univerziteta u Sarajevu, a u vezi sa Rješenjem Kantonalne uprave za inspekcijske poslove, Inspektorata prosvjetne inspekcije Kantona Sarajevo, broj: UP-1-14-12-34-01889/24 od 03. 05. 2024. godine, Zahtjevom Univerziteta u Sarajevu za očitovanjem Vijeća Univerziteta u Sarajevu – Fakulteta političkih nauka u vezi diplome Ramović Muhameda, broj: 0101-4934-1/24 od 29. 05. 2024. godine i Očitovanjem Vijeća Univerziteta u Sarajevu – Fakulteta političkih nauka, broj: 02-1-1202-1/24 od 02. 07. 2024. godine, a u vezi sa Rješenjem Ministarstva za nauku, visoko obrazovanje i mlade Kantona Sarajevo, broj: 27-03-34-847-2/24 od 10. 06. 2024. godine, Senat Univerziteta u Sarajevu je na 71. redovnoj sjednici održanoj 17. 07. 2024. godine, *daje*

### AUTENTIČNO TUMAČENJE

*odredbe člana 283. stav (2) tačka b) Statuta Univerziteta u Sarajevu,  
broj: 01-14-35-1/23 od 26.07.2023. godine*

Odredbom član 297. stav (1) Statuta Univerziteta u Sarajevu propisano je da obavezno i autentično tumačenje odredaba Statuta daje Senat Univerziteta u Sarajevu.

U dijelu deset Statuta Univerziteta u Sarajevu regulira se Dokumentacija, evidencija i javne isprave, a u poglavlju II. ovog dijela postupak poništavanja i oglašavanja javne isprave nevažećom. Odredbom člana 283. Statuta Univerziteta u Sarajevu utvrđuju se razlozi za poništavanje i oglašavanje javne isprave nevažećom. Stavom (2) tačkom b) ovog člana kao jedan od razloga za poništenje javnih isprava (diplome, dodatka diplomu, uvjerenja o stečenom zvanju i druge javne isprave propisane zakonom) utvrđeno je „ako imalac javne isprave nije ispunio uvjete za upis na studij prvog, drugog, integriranog ili trećeg ciklusa, te predbolonjskog studija, ako nije ispunio sve ispitne obaveze na način i po postupku utvrđenom propisima iz oblasti visokog obrazovanja koji su bili na snazi u vrijeme izdavanja javne isprave, zakonom i studijskim programom Univerziteta“.

\*\*\*

Ispunjenje uvjeta za upis na studij prvog, drugog, integriranog ili trećeg ciklusa, te predbolonjskog studija na Univerzitetu u Sarajevu na strani imaoća javne isprave podrazumijeva ispunjenje studijskih obaveza, odnosno položenih ispita na prethodnom studiju (*obrazovnom nivou*), koji je uvjet za upis na određeni studij višeg obrazovnog nivoa na Univerzitetu u Sarajevu.

Oslanjajući će na Zakon o upravnom postupku FBiH kojim se propisuje da se ništavim može oglašiti rješenje (*javna isprava*) koje sadrži nepravilnost koja je po nekoj izričitoj zakonskoj odredbi predviđena kao razlog ništavosti, naznačava se da je odredbom člana 77. Zakon o visokom obrazovanju („Službene novine Kantona Sarajevo“, broj 36/22) kao *lex specialis* propisa iz oblasti visokog obrazovanja utvrđeno da je visokoškolska ustanova obavezna poništiti i oglašiti nevažećom diplomu, dodatak diplomi i uvjerenje o stečenom zvanju **u slučaju ako imalac diplome nije ispunio sve ispitne obaveze na studiju** na način i prema postupku koji je utvrđen propisima iz oblasti visokog obrazovanja koji su bili na snazi u vrijeme izdavanja javne isprave, ovim zakonom i studijskim programom visokoškolske ustanove.

Dakle, kao razlog ništavosti, odnosno poništenja javne isprave (*diplome, dodatka diplomi, uvjerenja o stečenom zvanju i druge javne isprave propisane zakonom*) ne može se uzeti u obzir prosjek ocjena na prethodnom studiju (*obrazovnom nivou*), niti drugi uvjeti koji su u posrednoj vezi sa zakonom predviđenim uvjetima u pogledu ispunjenja studijskih obaveza. Slijedom navedenog, konstatuje se da navedeni razlog ne čini mogućim i dopuštenim poništenje, odnosno oglašavanje ništavom javne isprave izvan zakonom propisanih razloga.

Na ovaj način, štite se prava imaoaca javnih isprava Univerziteta u Sarajevu koji su ispunili sve ispitne obaveze na studiju u skladu sa odgovarajućim studijskim programom.

Autentično tumačenje predstavlja integralni dio teksta ovog Statuta, te će se primjenjivati osmi dan od dana objavljivanja u na internet stranici Univerziteta u Sarajevu.

**REKTOR**  
*Huseinović*  
**Prof. dr. Rifat Škrijelj**



Dostaviti:

- Članicama Univerzitetu u Sarajevu
- Internet stranica
- U dokumentaciju Senata
- Arhivi